

怪之。殷笑曰。殷常於玉皇前見之。別來數百年。猶相識也。有蕭勝者。賂用之。求鹽城監。駢有難色。用之曰。用之非為勝也。近得上仙書云。有寶劍在鹽城井中。須一靈官取之。以勝上仙左右之人。欲使取劍。爾駢乃許之。勝至鹽城數月。函一七首以獻。用之見稽首曰。此北帝所佩得之。則百里之內。五兵不能犯。駢乃飾以珠玉。常置座隅。用之又刻青石為奇字云。玉皇授白雲先生高駢密令左右置道院香案。駢得之。驚喜用之。曰。玉皇以公焚修功著。將補真官。計鸞鶴不日當降。此際用之。諂限亦滿。必得侍幢節。同歸上清爾。用之每對駢訶叱風雨。仰揖空際。云有神仙過雲表。駢輒隨而拜之。後用之為楊行密所誅。發其中堂。得桐人書。駢姓名。桎梏而釘之。

郭霸

郭霸為右臺御史。初召見於則天前。自陳忠鯁。云。往年征徐敬業。臣願抽其筋。食其肉。飲其血。絕其髓。則天悅。故時人號為四其御史。大夫魏元忠臥疾。諸御史盡往省之。霸獨居。後請示便液。曰。大夫糞味甘。或不瘳。今味苦。當即愈矣。元忠剛直。殊惡之。以其事露於朝士。則天

不豫。令閭朝隱往少室山祈禱。朝隱乃曲申悅媚。以身為犧牲。請代上所苦。

自敏中

宣宗令自敏中為萬壽公主選佳婿。敏中薦鄭顥。時顥已婚盧氏。行至鄭州。堂帖追還。顥甚銜之。由是數毀敏中於上。敏中自相府除邠寧節度使。將赴鎮。言於上曰。鄭顥不樂尚主。怨臣深入骨髓。臣在政府。無如臣何。今臣在外。顥必中傷。臣死無日矣。上曰。朕知之久矣。卿何言之晚也。命左右於禁中取小桂函。以授敏中曰。此皆鄭郎譖卿之書也。朕若信之。豈任卿以至今日。敏中置桂函於佛前。焚香事之。

鄭注

鄭注。本姓魚。人目之為水族。以藥術游長安。權豪之家。李愬鎮襄陽。得其藥力。移鎮徐州。以注參決軍政。注詭辯陰陽。善探人意。然專作威福。軍府患之。監軍王守澄怒。以軍情白愬。愬曰。彼實奇才也。將軍試與之語。或不。如旨去之。未為晚也。愬令調守澄。初有難色。及與語。機辯縱橫。盡中其意。遂恨相見之晚。守澄入知樞密。注大

用事。御史李欽奏彈注內通敕使。外連朝士。請付法。旬日之間。章數十上。守澄匿於右軍。左軍中尉韋元素等皆惡注。左軍將李宏楚說元素曰。鄭注姦猾無雙。卵殼不除。使成羽翼。必為國患。今因御史所劾。匿軍中。宏楚請以中尉意詐為有疾。召使治之。因而擒之。元素以為然。召注至。雙屈鼠伏。佞詞泉湧。元素不覺執手款曲。諦聽之。忘倦。厚遺金帛而遣之。太和八年。守澄引注見文宗於浴堂門。賜錦綵。是夕彗星出東方。長三尺。光芒甚緊。

孔氏談苑

蘇軾以吟詩下吏

孔平仲

蘇軾以吟詩有譏訕。言事官章疏狎上。朝廷下御史臺差官追取。是時李定為中書丞。對人太息。以為人才難得。求一可使逮軾者。少有加意。於是太常博士皇甫傑被遣以往。僕攜一子。二臺卒倍道疾馳。駙馬都尉王誥與子瞻游厚。密遣人報蘇轍。轍時為南京幕官。乃亟走。往湖州報軾。而僕行如飛。不可及。至潤州。適以子病求醫。留半日。故所遣人得先之。僕至之日。軾在告。祖無

頗權州事。僕徑入州廡。具鞞袍。秉笏立庭下。二臺卒來侍。白衣青巾。顧盼儻惡。人心洶洶。不可測。軾恐不敢出。乃謀之無頗。無頗云。事至於此。無可奈何。須出見之。軾議所以服。自以為得罪。不可以朝服。無頗云。未知罪名。當以朝服見也。軾亦具鞞袍。秉笏立庭下。無頗與職官皆小幘。列軾後。二卒懷臺牒。挂其衣。若匕首。然僕又久之。不語。人心益疑懼。軾曰。軾自來。極惱朝廷。多今日必是賜死。死固不辭。乞歸與家人訣別。僕始肯言曰。不至如此。無頗乃前曰。太博必有被受文字。僕問誰何。無頗曰。無頗是權州。僕乃以臺牒授之。及開視之。只是尋常追攝行遣耳。僕促軾行。二獄卒就直之。即時出城登舟。那人送者。兩泣頃刻之間。拉一太守如驅夫雞。此事無頗自擊也。

僧居和託生

鍾著作生二女。長嫁宋氏。生庠。其季嫁常州薛秀才。生一女為尼。與僧居和。大師私焉。亦生一女。嫁潘秀才。潘有子名與稽。今為朝奉大夫。與稽之視居和。乃外祖父也。居和乃以牛黃丸療風疾者也。飲酒食肉。不守僧